

此議呈臣等所以不敢不亟爲之題
請伏望

勅下該部將昌平密雲二鎮每歲漕糧一十四萬四
千八十三石有奇照舊撥運二鎮上納臣等復
行管糧郎中主事嚴禁監收監運官攢人等不
得索害漕卒如此則地方之米價可平兵食可
足商人無負累之苦船戶免空運之病一舉而
數利存焉邊方幸甚臣等幸甚

申

廟謨獻愚衷以預飭防秋大計疏

准工部咨虞衡清吏司案呈奉本部送准兵部
咨該兵科都給事中張鹵等題前事開稱查得
薊鎮各邊軍器額有軍三民七銀兩打造應用
本部舊無解銀自造之例脫有警急臨期
奏討軍火器械破格給發今該兵部咨開練兵營
軍器要行照數解銀赴彼自造爲照前營係是
新設原無軍器銀兩比與各邊事體不同相應